

Morgunblaðið

FÖSTUDAGUR 21. OKTÓBER 2011

• Stofnað 1913 • 247. tölublað • 99. árgangur •



**SONURINN
ÁHUGASAMUR
UM BASSANN**

DÍSA JAKOBS 10



**FÖGNUM
VETRINUM**

**LIFUN
24 Síðna AUKABLAÐ**

**STEINI, PÉSI
OG GAUR
Á TROMMU**

UPPISTAND 38



Samherji Starfsmenn fengu bréf í gær.

Milljarðaviðskipti við Samherjafélög

■ Viðskipti sem skapast hafa hérlandis vegna erlendra fyrirtækja, sem Samherji á hlut í, nema um tveimur milljörðum króna á þessu ári. Þetta kemur m.a. fram í bréfi sem stjórnendur Samherja sendu starfsmönnum sínum hér á landi í gær, um 830 manns, og ætlað er að svara rangfærslum í opinberri umræðu um fyrirtækið. „Því miður hefur því sem vel er gert í íslenskum sjávarútvegi lítið verið haldið á lofti. Mikið ber á rangfærslum í umræðunni og þekkingarleysi þeirra sem ganga harðast fram með fullyrðingum er áberandi. Oftar en ekki er beinlínis farið með rangt mál, vísitandi eða óvart.“ segir m.a. í bréfinu sem Þorsteinn Már Baldvinsson og Kristján Vilhelms-son rita til starfsmanna. »14

Telja sekt ekki sann- aða í Baugsmálinu



Gestur Jónsson

■ Sýknu var krafist yfir öllum þremur sakborn-
ingum í skatta-
hluta Baugsmáls-
ins við lok
málsvarnar í
Héraðsdómi
Reykjavíkur í
gær. Verjendur
gagnrýndu
vinnubrögð yfir-
valda sem hefðu leitt til þess að
málareksturinn hefði nú staðið hátt í áratug. Gestur Jónsson, verjandi Jóns Ásgeirs Jóhannessonar, sagði þetta ótækt og stríða gegn Mann-
réttindasáttmála Evrópu. »12



Morgunblaðið/Árni Sæberg

Hjólað um í pollunum

Ungir hjólaðamenn hafa fundið sér fjöldann allan af pollum til að hjóla í undanfarna daga enda verið votviðrasamt mjög á landinu. Á því verður engin breyting næstu daga, þó svo fyrsti vetrardagur sé á morgun. Hann verður hlýr í höfuðborginni, sam-

kvæmt spá Veðurstofu Íslands, og vart verður við úrkomu síðdegis.

Í dag er búist við rigningu framan af morgni en léttir til um hádegisbil og ætti að sjást til sólar um stund. Hiti verður með ágætum, um fimm stig.

Enn þarf að endur- reikna

● Dómur mun kosta fjármálafyrirtækin fé

Dómur Hæstaréttar sem féll í gær um gengistryggingu fjármögnunarsamninga kemur sér vel fyrir fjölmörg fyrirtæki í byggingariðnaði. Orri Hauksson, framkvæmdastjóri Samtaka iðnaðarins, segir dóminn skref í rétta átt til þess að skýra þá óvissu sem efnahagshrunið hafði í för með sér.

Hæstiréttur komst að þeirri niðurstöðu að fjármögnunarleigu-samningar væru í raun og veru lán og því væri gengistrygging samninganna ólögleg. Ljóst er að dómurinn mun kosta fjármálafyrirtækin töluvert og til að mynda þarf Landsbankinn að endur-
reikna hátt í 2.500 samninga, sem bankinn fékk í gegnum SP-fjármögnun, og Íslandsbanki hátt í fimm þúsund samninga. Viðskipta-bankarnir munu að eigin sögn nota næstu daga til þess að fara yfir dóminn og bregðast við honum þegar skýrari mynd er komin á það hvaða samningar falli undir hann. Hjá Lýsingu fengust þær upplýsingar að dómurinn hefði ekki áhrif á samninga fyrirtækisins. Önnur mál eru í rekstri sem hafa með þá samninga að gera. Falli þau eins ætti fyrirtækið engu að síður borð fyrir báru.

„Það er mikilvægt að hreinsa af borðinu alla þá óvissu sem hrundi færði okkur til þess að hægt sé að horfa fram á veginn og halda áfram og byggja upp. Mikilvægt er fyrir hagkerfið að fá niðurstöðu í þessum málum hvort sem einhverjum kann að finnast hún ósanngjörn eða ekki,“ segir Orri.

» Litil áhrif á rekstur »2

Lán ekki leiga

» Dómur Hæstaréttar kallar á endurreikning þúsunda samninga.

» Skilar sér í bættum rekstri fjölda fyrirtækja innan Samtaka iðnaðarins.

Jibril lofar kosningum

● Vestrænir leiðtogar segjast áfram munu veita Líbíu aðstoð

Geymslegur fögnuður ríkti á götum Tripólí og fleiri borga í Líbíu í gærkvöld en Mahmoud Jibril, forsætisráðherra bráðabirgðastjórnar uppreisnarmanna, NTC, hafði þá staðfest að Muammar Gaddafi, fyrrverandi einræðisherra landsins, væri fallinn.

„Við höfum beðið þessarar stundar lengi, Muammar Gaddafi hefur verið drepinn,“ sagði Jibril. Forseti NTC, Mustafa Abdul Jalil, myndi fljótlega lýsa yfir því að þjóðin hefði verið frelsuð og þá væri hægt að koma á lýðræðisumbótum og undirbúa kosningar.

David Cameron, forsætisráðherra Bretlands, fagnaði tíðindunum en sagði að nú væri einnig rétti dagurinn til



Í holu Ræsi þar sem Gaddafi leyndist þegar hann var handtekinn.

að minnst hinna mörgu fórnarlamba einræðisherrans á 42 ára valdaferli hans. Barack Obama Bandaríkjaforseti sagði að um væri að ræða stórkostlegan dag í sögu Líbíumanna. Nú tæki við löng og erfið ganga þeirra í átt til lýðræðis en Bandaríkjamenn og fleiri þjóðir myndu styðja við bakið á þeim.

Her NTC tók loks Sirte, fæðingarborg Gaddafis, í gærmorgun. Mun Gaddafi hafa barist þar ásamt tveim sonum sínum, Mutassim, sem féll og Seif al-Islam. Sá síðarnefndi var handtekinn, særður á fæti er hann reyndi að komast á brott með bílalest frá Sirte. »19

Tvær konur létust í umferðarslysi á Spáni

Tvær íslenskar konur, systur, létust í umferðarslysi skammt frá flugvelli-
num á Alicante á Spáni miðdegis í gær. Þetta staðfesti upplýsingafulltrúi utanríkisráðuneytisins í gærkvöldi.

Tildrög slyssins eru óljós en á spænska fréttavefnum Typically Spanish er greint frá því að bifreið kvennanna hafi lent í árekstri við rútu á vegi N-388 sem er nálægt flugvelli Alicante. Þær hafi látist samstundis.

Þá er haft eftir farþega rútnunnar

að ökumaður bifreiðarinnar hafi hætt við að beygja í átt að flugvelli-
num og reynt að taka u-beygju þar sem slíkt var ekki leyfilegt. Bifreiðin skall síðan á hægri hlíð rútnunnar.

Í rútnunni voru 43 háskólanemar og slösuðust níttján í árekstrinum, þar af fimm alvarlega, en rútan valt við áreksturinn.

Konurnar íslensku voru fæddar árið 1929 og árið 1931. Ekki er unnt að greina frá nöfnum þeirra að svo stöddu.